

行不離薩婆若心我亦應如是學菩薩摩訶
薩如是學者是為同學

摩訶般若波羅蜜經卷第二十七

摩訶般若波羅蜜經卷第二十八

賦

後秦鳩摩羅什譯

等學品第六十三

須菩提白佛言世尊何等是菩薩摩訶薩等
法菩薩所應學須菩提內空是菩薩等法外
空乃至自相空是菩薩等法須菩提色色相
成

空受想行識識相空乃至阿耨多羅三藐三
菩提阿耨多羅三藐三菩提相空須菩提是
名菩薩摩訶薩等法住是等法得阿耨多羅
三藐三菩提須菩提白佛言世尊若菩薩摩
訶薩為色盡故學為學薩婆若為色離故學
為色滅故學為學薩婆若為色不生故學為

學薩婆若受想行識亦如是修行四念處乃
至十八不共法盡離滅不生故學為學薩婆
若佛告須菩提如須菩提所說為色盡離滅
不生故學為學薩婆若受想行識乃至十八
不共法盡離滅不生故學為學薩婆若佛告
須菩提於汝意云何色如受想行識如乃至
阿耨多羅三藐三菩提如佛如是諸如盡滅
斷不須菩提言不也世尊佛告須菩提菩薩
摩訶薩如是學如為學薩婆若是如不作證
不滅不斷須菩提菩薩摩訶薩如是學如為
學薩婆若須菩提菩薩摩訶薩如是學為學
六波羅蜜為學四念處乃至十八不共法若
學六波羅蜜乃至十八不共法為學薩婆若
須菩提如是學為盡諸學邊如是學魔若魔
天所不能壞如是學直到阿鞞跋致地如是
學為學佛所行道如是學為得擁護法為學
大慈大悲為學淨佛國土成就眾生須菩提
如是學為學三轉十二行法輪轉故如是學

為學度眾生如是學為學不斷佛種如是學
為學開甘露門如是學為學欲示無為性須
菩提下劣之人不能作是學如是學者為欲
拔沉沒生死眾生菩薩摩訶薩如是學終不
墮地獄餓鬼畜生中終不生邊地終不生游
隨羅家終不瞶盲瘖瘂拘躄諸根不缺眷屬

成就終不孤窮菩薩如是學終不殺生乃至
終不邪見如是學不作邪命活不攝惡人及
破戒者如是學以方便力故不生長壽夭何
等是方便力如般若波羅蜜品中所說菩薩
摩訶薩以方便力故入四禪四無量心四無
色定不隨禪無量無色定生須菩提菩薩如

是學一切法中得清淨所謂淨聲聞辟支佛
心須菩提白佛言世尊一切法本性清淨云
何言菩薩一切法中得清淨佛告須菩提如
是如是一切諸法本性清淨若菩薩摩訶薩
於是法中心通達不沒即是般若波羅蜜如
是諸法一切凡夫不知不見菩薩摩訶薩為

是眾生故行檀波羅蜜乃至般若波羅蜜行
四念處乃至一切種智須菩提菩薩如是學
於一切法中得智力無所畏如是學為了知
一切眾生心所趣向譬如大地少所處出金
銀珠寶須菩提眾生亦如是少所能學般若
波羅蜜多墮聲聞辟支佛地須菩提譬如少

所人受行轉輪聖王業多受行小王業如是
須菩提少所眾生行般若波羅蜜求一切智
多行聲聞辟支佛道須菩提諸菩薩摩訶薩
發心求阿耨多羅三藐三菩提中少有如說
行多住聲聞辟支佛地多有菩薩摩訶薩行
般若波羅蜜無方便力故少所人住阿鞞跋

致地須菩提以是故菩薩摩訶薩欲在阿鞞
跋致地欲在阿鞞跋致數中應當學是深般
若波羅蜜復次須菩提菩薩摩訶薩學是般
若波羅蜜時不生慳貪心不生破戒瞋恚懈
怠散亂愚癡心不生諸餘過失心不生取色
相心取受想行識相心不生取四念處相心

摩訶薩

三

乃至不生取阿耨多羅三藐三菩提相心何以故是菩薩摩訶薩行是深般若波羅蜜無有法可得以不可得故於諸法不生心取相須菩提菩薩摩訶薩如是學深般若波羅蜜惣攝諸波羅蜜令諸波羅蜜增長諸波羅蜜悉隨從何以故須菩提是深般若波羅蜜諸波羅蜜悉入中須菩提辭如我見中悉攝六十二見如是須菩提是深般若波羅蜜悉攝諸波羅蜜須菩提辭如人死命根滅故餘根悉隨滅如是須菩提菩薩摩訶薩行深般若波羅蜜時諸波羅蜜悉隨從須菩提菩薩摩訶薩欲令諸波羅蜜度彼岸應學深般若波羅蜜須菩提菩薩摩訶薩學是深般若波羅蜜者出一切衆生之上須菩提於汝意云何三千大千國土中衆生多不須菩提言一間浮提中衆生尚多何況三千大千國土佛告須菩提若三千大千國土中衆生一時皆得人身悉得阿耨多羅三藐三菩提若有菩薩

盡形壽供養承所佛衣服飲食卧具湯藥資生所須須菩提於汝意云何是人以是因緣故得福德多不須菩提言甚多甚多佛言不如是善男子善女人學般若波羅蜜如說行正憶念得福多何以故般若波羅蜜有勢力能令菩薩摩訶薩得阿耨多羅三藐三菩提須菩提以是故菩薩摩訶薩欲出一切衆生之上當學般若波羅蜜欲爲無救護衆生作救護欲與無歸依衆生作歸依欲與無究竟道衆生作究竟道欲爲盲者作目欲得佛功德欲作諸佛自在遊戲欲作諸佛師子吼欲撞擊佛鍾鼓欲吹佛貝欲昇佛高座說法欲斷一切衆生疑當學深般若波羅蜜須菩提菩薩摩訶薩若學深般若波羅蜜諸善功德無事不得須菩提白佛言世尊寧復得聲聞辟支佛功德佛言聲聞辟支佛功德皆能得但不於中住以智觀已直過入菩薩位中須菩提菩薩摩訶薩如是學近薩婆若疾得阿

咸摩河六

四

釋多羅三藐三菩提須菩提菩薩摩訶薩如是學爲一切世間天及人阿脩羅作福田須菩提菩薩摩訶薩如是學過諸聲聞辟支佛福田之上疾近薩婆若須菩提菩薩摩訶薩如是學是各不捨不離般若波羅蜜常行般若波羅蜜須菩提菩薩摩訶薩如是學深般

若波羅蜜當知是不退轉菩薩疾近薩婆若遠離聲聞辟支佛近阿耨多羅三藐三菩提須菩提是菩薩摩訶薩行般若波羅蜜時若作是念是般若波羅蜜我以是般若波羅蜜得一切種智若如是念不名行般若波羅蜜須菩提若不作是念是般若波羅蜜是人般若波羅蜜是般若波羅蜜法是人行般若波羅蜜得阿耨多羅三藐三菩提是名行般若波羅蜜須菩提若菩薩作是念無是般若波羅蜜無人有是般若波羅蜜無有行是般若波羅蜜得阿耨多羅三藐三菩提何以故一切法如法姓實際常住故如是行是爲菩薩

摩訶薩行般若波羅蜜

摩訶般若波羅蜜經願樂隨喜品第六十四
爾時釋提桓因作是念菩薩摩訶薩行般若波羅蜜禪波羅蜜毗梨耶波羅蜜羣提波羅蜜尸羅波羅蜜檀波羅蜜乃至十八不共法時出一切衆生之上何況得阿耨多羅三藐

成慶考其

五

三菩提時是諸衆生聞是薩婆若信解者得人之善利壽命中最何況發阿耨多羅三藐三菩提意是衆生能發阿耨多羅三藐三菩提意者其餘衆生應當願樂爾時釋提桓因以天文陀羅華而散佛上發是言以此福德若有求阿耨多羅三藐三菩提者今此人具足佛法具足一切智具足自然法若求聲聞者令具足聲聞法世尊若有菩薩發阿耨多羅三藐三菩提意者我終不生一念令其轉還我亦不生一念令其轉還隨聲聞辟支佛地世尊我願諸菩薩倍復精進於阿耨多羅三藐三菩提見衆生生死中種種苦惱欲

利益安樂一切世間天及人阿脩羅以是心
 作是願我既自度亦當度未度者我既自脫
 當脫未脫者我既安隱當安未安者我既滅
 度當使未入滅度者得滅度世尊善男子善
 女人於初發意菩薩功德隨喜心得幾許福
 德於久發意菩薩功德隨喜心得幾許福德
 於阿鞞跋致菩薩功德隨喜心得幾許福德
 於一生補處菩薩功德隨喜心得幾許福德
 佛告釋提桓因言憍尸迦四天下國土可稱
 知斤兩是隨喜福德不可稱量復次憍尸迦
 是三千大千國土皆可稱知斤兩是隨喜心
 福德不可稱量復次憍尸迦三千大千國土
 滿中海水取一髮破為百分以一分髮滌取
 一海水可知滌數是隨喜心福德不可數知
 釋提桓因白佛言世尊若衆生心不隨喜阿
 耨多羅三藐三菩提者皆是魔眷屬諸心不
 隨喜者從魔中來生何以故世尊是諸發隨
 喜心菩薩為破魔境界故生是故欲愛敬三

尊者應生隨喜心隨喜已應迴向阿耨多羅
 三藐三菩提以不一不二相故佛言如是如
 是憍尸迦若有人於菩薩能如是隨喜迴向
 者常值諸佛終不見惡色終不聞惡聲終不
 嗅惡香終不食惡味終不觸惡觸終無不隨
 念終不遠離諸佛從一佛國至一佛國親近
 諸佛種善根何以故善男子善女人為無量
 阿僧祇初發意菩薩諸善根隨喜迴向為無
 量阿僧祇第二地第三地乃至第十地一生
 補處諸菩薩摩訶薩善根隨喜迴向阿耨多
 羅三藐三菩提以是善根因緣故疾近阿耨
 多羅三藐三菩提是諸菩薩得阿耨多羅三
 藐三菩提已度無量無邊阿僧祇衆生憍尸
 迦以是因緣故善男子善女人於初發意菩
 薩善根應隨喜迴向阿耨多羅三藐三菩提
 非心非離心於久發意阿鞞跋致一生補處
 善根隨喜迴向阿耨多羅三藐三菩提非心
 非離心須善提白佛言世尊是心如幻云何

成摩訶片

六

能得阿耨多羅三藐三菩提佛告須菩提於汝意云何汝見是心如幻不也世尊我不見幻亦不見心如幻須菩提於汝意云何若無幻亦無心如幻汝見是心不也世尊須菩提於汝意云何離幻離心如幻汝見更有法得阿耨多羅三藐三菩提不也世尊我

不見離幻離心如幻更有法得阿耨多羅三藐三菩提世尊我不見更有法何等法可說若有若無是法相畢竟離故不墮有不墮無若法畢竟離者不能得阿耨多羅三藐三菩提無所有法亦不應得阿耨多羅三藐三菩提何以故世尊一切法無所有是中無垢者成摩訶六

無淨者世尊以是故般若波羅蜜畢竟離禪波羅蜜毗梨耶波羅蜜羣提波羅蜜尸羅波羅蜜檀波羅蜜畢竟離乃至阿耨多羅三藐三菩提亦畢竟離若法畢竟離則不應修不應壞行般若波羅蜜亦無有法可得畢竟離故世尊若般若波羅蜜畢竟離者云何因般

若波羅蜜得阿耨多羅三藐三菩提阿耨多羅三藐三菩提亦畢竟離二離中云何能有所得佛告須菩提善哉善哉是般若波羅蜜畢竟離禪波羅蜜毗梨耶波羅蜜羣提波羅蜜尸羅波羅蜜檀波羅蜜畢竟離乃至一切種智畢竟離須菩提若般若波羅蜜畢竟離

乃至一切種智畢竟離以是故能得阿耨多羅三藐三菩提須菩提若般若波羅蜜非畢竟離乃至一切種智非畢竟離是不名般若波羅蜜不名禪波羅蜜乃至一切種智須菩提若般若波羅蜜畢竟離乃至一切種智畢竟離以是故須菩提非不因般若波羅蜜得

阿耨多羅三藐三菩提亦不以離得離而得阿耨多羅三藐三菩提非不因般若波羅蜜須菩提白佛言世尊菩薩摩訶薩所行義甚深佛言如是須菩提菩薩摩訶薩所行義甚深須菩提諸菩薩摩訶薩能為難事所謂行是深義而不證聲聞辟支佛地須菩提白佛

言世尊如我從佛聞義菩薩摩訶薩所行不為難何以故是菩薩摩訶薩不得是義可作證亦不得般若波羅蜜作證亦無作證者世尊若一切法不可得何等是義可作證何等是般若波羅蜜作證何等是作證者作證已得阿耨多羅三藐三菩提世尊是名菩薩摩訶薩無所得行菩薩行是於一切法皆得明了世尊若菩薩摩訶薩聞是法心不驚不沒不怖不畏是名為行般若波羅蜜是菩薩摩訶薩行般若波羅蜜時不見我行般若波羅蜜亦不見是般若波羅蜜亦不見我當得阿耨多羅三藐三菩提何以故菩薩摩訶薩行

成摩訶六

八

人不作是念幻師去我近觀人去我遠何以故幻人無分別故行般若波羅蜜菩薩不作是念聲聞辟支佛地去我遠薩婆若去我近世尊譬如鏡中像不作是念所因者去我近餘者去我遠何以故像無分別故行般若波羅蜜菩薩亦不作是念聲聞辟支佛地去我遠薩婆若去我近何以故般若波羅蜜自性不可得故世尊譬如佛無愛無憎行般若波羅蜜菩薩無愛無憎亦如是何以故般若波羅蜜中無憎無愛故世尊譬如佛一切分別想斷行般若波羅蜜菩薩亦如是一切分別想斷畢竟空故世尊譬如佛所化人不作是念聲聞辟支佛去我遠阿耨多羅三藐三菩提去我近何以故佛所化人無分別故行般若波羅蜜菩薩亦如是不作是念聲聞辟支佛去我遠阿耨多羅三藐三菩提去我近世尊譬如人有所為

成摩訶六

九

故作化化所作事無分別世尊般若波羅蜜亦如是有所爲事而修是事成就而般若波羅蜜亦無分別世尊譬如工匠若工匠弟子有所爲故作木人若男女象馬牛羊是所作事亦能有所作是牛馬亦無分別世尊般若波羅蜜亦如是有所爲故說是事成就而般若

若波羅蜜亦無分別舍利弗問須菩提但般若波羅蜜無分別禪波羅蜜乃至檀波羅蜜亦無分別須菩提語舍利弗禪波羅蜜無分別乃至檀波羅蜜亦無分別舍利弗問須菩提色無分別乃至識亦無分別眼乃至意識無分別色乃至法無分別眼識觸乃至意識觸

無分別眼觸因緣生受乃至意識觸因緣生受四禪四無量心四無色定四念處乃至八聖道分空無相無作佛十力四無所畏四無礙智大慈大悲十八不共法阿耨多羅三藐三菩提無爲性亦無分別須菩提若色無分別乃至無爲性無分別若一切法無分別云何

分別有六道生死是地獄是餓鬼是畜生是天是人是阿脩羅云何分別是須陀洹斯陀含阿那含阿羅漢辟支佛諸佛須菩提報舍利弗衆生顛倒因緣故造作身口意業隨欲本業報受六道身地獄餓鬼畜生天人阿脩羅身汝言云何分別有須陀洹乃至佛道舍

利弗須陀洹即是無分別故有須陀洹果亦是無分別故有乃至阿羅漢阿羅漢果辟支佛辟支佛道佛道亦是無分別故有舍利弗過去諸佛亦是無分別斷分別故有以是故舍利弗當知一切法無有分別不壞相諸法如法性實際故舍利弗如是菩薩摩訶薩

應行無分別般若波羅蜜行無分別般若波羅蜜已便得無分別阿耨多羅三藐三菩提摩訶般若波羅蜜經稱揚品第六十五

舍利弗語須菩提菩薩摩訶薩行般若波羅蜜爲行真實法爲行無真實法須菩提報舍利弗菩薩摩訶薩行般若波羅蜜爲行無真

成摩訶六

十

實法何以故是般若波羅蜜無真實乃至一切種智無真實故菩薩摩訶薩行般若波羅蜜無真實不可得何況真實乃至行一切種智無真實法不可得何況真實亦時欲色界諸天子作是念諸有善男子善女人發阿耨多羅三藐三菩提意如深般若波羅蜜所說義行於等法不作實際證不墮聲聞辟支佛地應當爲作禮湏菩提語諸天子諸菩薩摩訶薩於等法不證聲聞辟支佛地不爲難諸菩薩摩訶薩大擔莊嚴我當度無量無邊阿僧祇衆生知衆生畢竟不可得而度衆生是乃爲難諸天子諸菩薩摩訶薩發阿耨多羅三藐三菩提心作是願我當度一切衆生一切衆生實不可得是人欲度衆生爲欲度虛空何以故虛空離故當知衆生亦離虛空空故當知衆生亦空虛空無堅固故當知衆生亦無堅固虛空虛誑故當知衆生亦虛誑諸天子以是因緣故當知菩薩所作爲難爲利

益無所有衆生故而大莊嚴是人爲衆生結誓爲欲與虛空共聞是菩薩結誓已亦不得衆生而爲衆生結誓何以故衆生離故當知大誓亦離衆生虛誑故當知大誓亦虛誑若菩薩摩訶薩聞是法心不驚不沒當知是菩薩摩訶薩行般若波羅蜜何以故色離即是成摩訶六衆生離受想行識離即是衆生離色離即是六波羅蜜離受想行識離即是六波羅蜜離乃至一切種智離即是六波羅蜜離若菩薩摩訶薩聞是一切諸法離相心不驚不沒不怖不畏當知是菩薩摩訶薩行般若波羅蜜佛告湏菩提何因緣故菩薩摩訶薩於深般若波羅蜜中心不沒湏菩提白佛言世尊般若波羅蜜無所有故不沒般若波羅蜜離故不沒般若波羅蜜寂滅故不沒世尊以是因緣故菩薩於深般若波羅蜜中心不沒何以故是菩薩不得沒者不得沒事不得沒處是一切法皆不可得故世尊若菩薩摩訶薩聞

是法心不驚不沒不怖不畏當知是菩薩為
行般若波羅蜜何以故沒者沒事沒處是法
皆不可得故菩薩摩訶薩如是行般若波羅
蜜諸天子及釋提桓因天梵天王天及世界
主天皆為作禮佛告須菩提不但釋提桓因
諸天梵王及諸天世界主及諸天禮是菩薩

摩訶薩行般若波羅蜜者過是上光音天遍
淨天廣果天淨居天皆為是菩薩摩訶薩作
禮須菩提今現在十方無量諸佛亦念是行
般若波羅蜜菩薩摩訶薩當知是菩薩為如
佛須菩提若恒河沙等國中眾生悉使為
魔是一一魔復化作魔如恒河沙等魔是一

切魔不能留難菩薩行般若波羅蜜須菩提
菩薩摩訶薩成就二法魔不能壞何等二觀
一切法空不捨一切眾生須菩提菩薩成就
此二法魔不能壞復次須菩提菩薩摩訶薩
復有二法成就魔不能壞何等二所作如所
言亦為諸佛所念菩薩成就此二法魔不能

壞須菩提菩薩如是行是諸天皆來到菩薩
所親近諮問勸喻安慰作是言善男子汝疾
得阿耨多羅三藐三菩提不久善男子汝常
當行是空無相無作行何以故善男子汝行
是行無護眾生汝為作護無依眾生為作依
無救眾生為作救無究竟道眾生為作究竟
道無歸眾生為作歸無洲眾生為作洲真者
為作明盲者為作眼何以故是菩薩摩訶薩
行般若波羅蜜十方現在無量阿僧祇諸佛
在大眾中說法時自讚歎稱揚是菩薩摩訶
薩名姓言某甲菩薩成就般若波羅蜜功德
須菩提如我今說法時自稱揚寶相菩薩尸

棄菩薩復有諸菩薩摩訶薩在阿閼佛國中
行般若波羅蜜淨修梵行我亦稱揚是菩薩
名姓須菩提亦如東方現在諸佛說法時是
中有菩薩摩訶薩淨修梵行佛亦歡喜自稱
揚讚歎是菩薩南西北方四維上下亦如是
復有菩薩從初發意欲具足佛道乃至得一

切種智諸佛說法時亦歡喜自稱揚讚歎是菩薩何以故是諸菩薩摩訶薩所行甚難不
 斷佛種行須菩提白佛言世尊何等菩薩摩訶薩諸佛說法時自讚歎稱揚佛告須菩提
 阿鞞跋致菩薩諸佛說法時自讚歎稱揚須菩提言何等阿鞞跋致菩薩為佛所讚歎佛
 言如阿閼佛為菩薩時所行所學諸菩薩亦如是學是諸阿鞞跋致菩薩諸佛說法時歡
 喜讚歎復次須菩提有菩薩行般若波羅蜜信解一切法無生未得無生忍法信解一切
 法空未得無生忍法信解一切法虛誑不實無所有不堅固未得無生忍法須菩提如是
 等諸菩薩摩訶薩諸佛說法時歡喜自讚歎稱揚名姓須菩提若諸菩薩摩訶薩諸佛說
 法時歡喜自讚歎者是菩薩滅聲聞辟支佛地當得阿耨多羅三藐三菩提記須菩提若
 菩薩摩訶薩諸佛說法時歡喜自讚歎者是菩薩當住阿鞞跋致地住是地已當得薩婆

咸摩河廿八

十三

若復次須菩提菩薩摩訶薩聞是深般若波羅蜜時其心明利不疑不悔作是念是事如佛所說是菩薩亦當於阿閼佛及諸菩薩所廣聞是般若波羅蜜亦信解信解已如佛所說當住阿鞞跋致地如是須菩提但聞般若波羅蜜得大利益何況信解信解已如說住如說行如說住如說行已住一切種智中須菩提白佛言世尊若佛說菩薩摩訶薩如所說住如所說行住薩婆若若菩薩摩訶薩無所得法云何住薩婆若佛告須菩提菩薩摩訶薩住諸法如中住薩婆若須菩提言世尊除如更無法可得誰住如中誰住如中已當得阿耨多羅三藐三菩提誰住如中當說法如尚不可得何況住如當得阿耨多羅三藐三菩提誰住如中而說法無有是處佛告須菩提如汝所言除如更無法可得誰住如中住如中已當得阿耨多羅三藐三菩提誰住如中當說法如尚不可得何況住如當得阿

釋多羅三藐三菩提誰住如中而說法無有是處佛言如是如是須菩提除如更無有法可得誰住如中住如中已當得阿耨多羅三藐三菩提誰住如中當說法如尚不可得何況住如中當得阿耨多羅三藐三菩提誰住如中而說法何以故是如生不可得滅不可

得住異不可得若法生滅住異不可得是中誰當住如誰當住如已得阿耨多羅三藐三菩提誰當住如中而說法無有是處釋提桓因白佛言世尊諸菩薩摩訶薩所為甚難深般若波羅蜜中欲得阿耨多羅三藐三菩提何以故世尊無有如中住者亦無當得阿耨

多羅三藐三菩提者亦無說法者菩薩摩訶薩於是處心不驚不沒不怖不疑不悔不怖不疑不悔憍尸迦說菩薩摩訶薩所為甚難是甚深法中心不驚不沒不怖不疑不悔憍尸迦諸法空中誰驚誰沒誰怖誰畏誰疑誰悔是時釋提桓因語

須菩提須菩提所說但為空事無所罣礙辭如仰射空中箭去無礙須菩提說法無礙亦如是

摩訶般若波羅蜜經卷第二十八 八

延聖院比丘 惟晨

情肯自身為患氣疾不能安穩發心施財刊雕

摩訶般若波羅蜜經第二十七卷所集

功德解釋宿世冤讎乘此殊熏超生

佛老保身位氣疾消除增延福壽者

咸淳五年十二月 日誌 惟晨謹題

摩訶般若波羅蜜經卷第二十九 醜九

後秦鳩摩羅什譯

囑累品第六十六

爾時釋提桓因白佛言世尊我如是說如是答為隨順法不為正答不佛告釋提桓因言憍尸迦汝所說所答實皆隨順釋提桓因言